



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.310/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët: Skender Çoçaj kryesues, Kujtim Pasuli dhe Ramush Bardiqi anëtarë, duke vendosur përkitazi me ankesën e Bledona Mazreku, kandidate për anëtare të kuvendit komunal në Komunën e Malishevës, nga radhët e Subjektit Politik Partia Demokratike e Kosovës (PDK), të paraqitur kundër komisionerëve të Qendrës Komunale të Numërimit (QKN), në Malishevë, për shkak të parregullsive gjatë numërimit në Qendrën Komunale të Numërimit (QKN) për Zgjedhjet Lokale, të mbajtura më datë 12 Tetor 2025, në seancën e panelit të mbajtur me 24.10.2025, merr këtë:

V E N D I M

HEDHET E PASAFATSHME ankesa ZL.Anr.310/2025, datë 22.10.2025, e parashtruar nga kandidatja për anëtare të kuvendit komunal në Komunën e Malishevës, Bledona Mazreku nga radhët e Subjektit Politik Partia Demokratike e Kosovës (PDK), të paraqitur kundër komisionerëve të Qendrës Komunale të Numërimit (QKN), në Malishevë, për shkak të parregullsive gjatë numërimit në Qendrën Komunale të Numërimit (QKN) për Zgjedhjet Lokale, të mbajtura më datë 12 Tetor 2025.

A r s y e t i m

Me datën 22.10.2025, PZAP-i ka pranuar ankesën e kandidates për anëtare të kuvendit komunal në Komunën e Malishevës, Bledona Mazreku, nga radhët e Subjektit Politik Partia Demokratike e Kosovës, me të cilën pretendon se ka dyshime se ka shkelje gjatë numërimit të votave pasi që as votat e familjarëve nuk figurojnë nëpër katunde të caktuara dhe fshatrat që supozon që janë bërë shkelje janë: Turjakë, Panorc, Drenoc, Bubavec, Carravranë, Pagarush, Dragobil, Carallukë, Tërpezë dhe Balincë. Tutje, parashtruesja e ankesës kërkon të hapen disa kuti për të parë se çfarë ka ndodhur në të vërtetë. Bashkangjitur në ankesë, parashtruesja e ankesës ka bashkangjitur disa dëshmitar si dhe numrat e tyre të telefonit.

Në përgjigjen në ankesë të Komisionin Qendror të Zgjedhjeve – KQZ, sqaron se bazuar në nenin 101 të Ligjit Nr. 08/L-228 për Zgjedhjet e Përgjithshme në Republikën e Kosovës (LZP), Rregulloren Zgjedhore Nr. 16/2024, Qendrat Komunale të Numërimit (QKN), Procedura e Veprimit në Qendrën Komunale të Numërimit për Zgjedhjet Lokale 2025, e miratuar më 01.10.2025, Nr.01/2601/2025, përcaktohet procedura e detajuar lidhur me procesin e numërimit në QKN. Rezultatet preliminare nga vendvotimet mund korrigjohen në Qendrën

Komunale të Numërimit, në përputhje me paragrafin 3 të nenit 14 të Rregullores Zgjedhore Nr. 16/2024 për Qendrat Komunale të Numërimit (QKN). Bazuar në Rregullën Zgjedhore Nr. 13/2024 Rezultatet e Zgjedhore nenin 9 paragrafi 1 thekson se: Në rast të mospërputhjes së rezultateve, KQZ-ja mund të urdhëroj rinumërimin e votave të cilit do VV, ose edhe përsëritjen e votimit në një VV apo QV. Në lidhje me pretendimet e palës ankuese për numërim të votave në vendvotimet e specifikuar më sipër, KQZ, pas analizimit të lëndës, pasi sipas konfirmimit të ZEKKZ-së, ka konstatuar se ankesa është paraqitur jashtë afatit ligjor për paraqitjen e ankesës, sepse pas konfirmimit të ZEKKZ në komunën e Malishevës, aktiviteti i QKN-së është përmbyllur me datën 16.10.2025, në ora 23:20 ndërsa pala ankesën e ka parashtruar me datën 22.10.2025. Pra nuk është brenda afatit ashtu siç parashihet me nenin 105, par.1 të LZP. KQZ, pas pranimi të kërkesës së PZAP, menjëherë ka kontaktuar me KKZ e komunës së Malishevës, duke pranuar përgjigjet dhe sqarimet si ne vijim: *“Me aktivitetet e punës në Qendrën Komunale të Numërimit (QKN), në Malishevë kemi filluar me datën 13.10.2025 prej orës 16:00”* dhe në QKN kanë qenë gjithsej 9 tavolina punë të cilat janë përberë nga anëtarë të subjekteve politike LVV, LDK, PDK dhe AAK. Për secilën tavolinë kanë qenë të pranishëm edhe vëzhgues nga subjekte të ndryshme politike dhe mediat e akredituara të cilët e kanë monitoruar vazhdimisht në procesin e numërimit. Procesi është mbikqyrur përmes kamerave të sigurisë të vendosura në çdo tavolinë punë si dhe nga 5 kamera shtesë që e kanë mbuluar tërë hapësirën e Qendrës së Numërimit. Gjatë gjithë procesit të numërimit nuk është evidentuar asnjë vërejtje apo ankesë nga ana e vëzhguesve të pranishëm. *“Procesi i numërimit në Qendrën Komunale të Numërimit është përmbyllur më datë 16.10.2025, në ora 23:20, ditën e enjte”*. Pra, në momentin e publikimit të rezultateve përfundimtare nga KQZ-ja, palët e pakënaqura në pajtim me nenin 105 të LZP, pala mund të ushtrojë ankesë në afatin brenda dyzet e tetë (48) orëve në PZAP. Lidhur me pretendimet e palës ankuese që mbështeten në pritshmërinë dhe deklaratimet e personave dhe familjareve të saj duhet theksuar se në kuptim të nenit 4 par.1.3 të LZP-së, liria dhe fshehtësia e votës janë të garantuara, publikimi i votës cenon këtë parim dhe shpërfaq vullnetin e votuesit. Në kuptim të nenit 117 paragrafi 3 të LZP, gjatë shqyrtimit të ankesave është vërejtur se pala ankuese, nuk ka bashkangjitur prova relevante që do të mund të dëshmonin apo mbështesnin pretendimet e mospërputhjes së rezultateve zgjedhore. Rezultatet përfundimtare të procesit zgjedhor, shpallen nga KQZ-ja pas përfundimit të numërimit të të gjitha fletëvotimeve nga vendvotimet e rregullta; fletëvotimeve nga votimi me kusht; fletëvotimet nga votimi i personave me nevoja të veçanta; fletëvotimeve nga votimi jashtë Kosovës; vendosjes për ankesat eventuale nga PZAP dhe Gjykata Supreme dhe pas përfundimit të të gjitha procedurave në QNR, ku rezultati i publikuar është i ankimeshëm nga subjekte politike dhe kandidatët të cilët kanë pretendime në raport me numërimin e votave të tyre.

Paneli Zgjedhor për Ankesa dhe Parashtrës - PZAP, pas shqyrtimit të ankesës dhe shkresave të lëndës konstaton se:

- Ankesa është e pasafatshme.

Në këtë rast, PZAP nga shqyrtimi i shkresave të lëndës, ankesës së ankuesit, përgjigjen në ankesë të KQZ-se konstatohet se parashtruesi i ankesës ka dorëzuar ankesën me datë 22.10.2025, ku ka pretenduar se ka pasur parregullsi në numërim të votave, ndërsa sipas

përgjigje nga KQZ dhe Provave të Bashkangjitura procesi i numërimit në Qendër Komunale është përmbyllur me datë 16.10.2025 në ora 23:20, ditën e enjte.

Me dispozitën e nenit 105 paragrafi 1, në mënyrë decitive parashihet se *"Ankesat lidhur me administrimin e numërimit në QKN dhe QNR, dorëzohen me shkrim pranë PZAP-së brenda dyzet e tetë (48) orëve nga ndodhja e shkeljes së supozuar, " të Ligjit Nr. 08/L-228 për Zgjedhjet e Përgjithshme në Republikën e Kosovës. Nga kjo kuptohet se ankesa është dorëzuar pas afatit të paraparë ligjor.*

Me dispozitën e nenit 9 paragrafi 5 të Rregullores Nr. 01/2025 për Procedurat e Parashtrimit dhe Vendosjes së Ankesave të PZAP-it, parashihet që *" Personi mund të paraqes ankesë në PZAP, brenda dyzet e tetë (48) orëve për shkeljet e pretenduara", ndërsa nën paragrafi 5.16. parashihet që "Për shkeljet e pretenduara gjatë procesit të administrimit dhe numërimit në QKN dhe QNR". Neni 13, paragrafi 3, nën paragrafi 3.2 i Rregullores Nr.01/2025 për Procedurat e Parashtrimit dhe Vendosjes së Ankesave të PZAP-it, parasheh që: "PZAP-i e hedhë ankesën kur vlerëson se ajo nuk është dorëzuar në afatin e paraparë ligjor."*

PZAP konstaton se nga përgjigja e KQZ është vërtetuar se aktiviteti i QKN-së në Komunën e Malishevë, është përmbyllur më datë 16.10.2025, në ora 23:20, ditën e enjte, me çka vërtetohet se ankesa e ankueses nuk është paraqitur brenda afatit ligjor prej 48 orëve siç parashihet me nenin 105, paragrafi 1 të Ligjit për Zgjedhjet e Përgjithshme në Republikën e Kosovës.

Paneli, ka gjetur se ankesa e parashtruar nga kandidati për anëtar të kuvendit komunal në Komunën e Malishevës Bledona Mazreku, nga radhët e subjektit politik Partia Demokratike e Kosovës(PDK) për shkak të parregullsive në numërim të votave, është parashtruar pas afatit ligjor të përcaktuar me dispozitat e lartecenuar, andaj PZAP vendosi që ankesa e ankuesit të hedhet si e pasafatshme.

Nga arsyet e theksuara më lartë dhe duke u bazuar në nenin 105 paragraf 1 i LNP-së, nenin 117 paragrafi 3, dhe nenin 118 paragrafi 1 të Ligjit Nr.08/L-228 Për Zgjedhjet e Përgjithshme në Republikën e Kosovës lidhur me nenin 9 paragrafi 5 nën paragrafi 5.16, nenin 13, paragrafi 2, neni 13 paragrafi 3 nën paragrafi 3.2 të Rregullës 01/2025 për Procedurat e Parashtrimit dhe Vendosjes së Ankesave, paneli vendosi si në dispozitiv të këtij vendimi.

PANELI ZGJEDHOR PËR ANKESA DHE PARASHTRESA

ZL.Anr.310/2025, datë 24.10.2025

Kryesues i Panelit
Skender Çoçaj



KËSHILLA JURIDIKE: Kundër këtij vendimi është e lejuar ankesa sipas nenit 118 paragrafi 4 të LNP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.